



Oushtaniwan il i pat danwzhee pi shasheepishiwawn Kenadaw

“Awn dawnzhee” la lway: Mayipayiwin nakinamawkaywin li zord paminikaywin

Ishpee mayipayiwin, shaywaypita 9-1-1 keema mouhchi outa li polis.

Keeshpin awiyek tawpwayistakwan wiya kenawayihtawkooshiwin si risk ishi wiyawow keema kootakak, pikou awiyek chikée natoutem ishi enn provayns keema li territwayr li koor poor mayipayiwin nakinamawkaywin li zord kakwaychimiwaywin aykwawnima pawshkishikaywina, kootak awpachischikana, pi pawshkishikaywina li lisawn achiyow outinimawn.

Aen aplikasyoon paminikaywin

1. Aen aplikasyoon ishi enn provayns keema li territwayr li koor

Ooma neekawn en step si aykwawnima aen aplikasyoon ishi enn provayns keema li territwayr li koor poor mayipayiwin nakinamawkaywin li zord chi-outinimawn pawshkishikaywina pi kootak awpachischikana keeshpin awiyek tawpwayistakwan kenawayihtawkooshiwin si risk ishi wiyawow keema kootakak.

Pikou awiyek chikee natoutam poor mayipayiwin nakinamawkaywin li zord.

Pishishkayista: Keeshpin ihtawan si risk aykwawna li moond chikee kawschitinaw avek kootak li moond sa pawshkishikaywina, aen aplikasyon chikee oushtaniwan poor mayipayiwin nakinikawtaywina ishi kawschitinamouwin li zord.

2. Li zheus michiminam paystamouwin

Pimitishahamouwin ooma, li zheus michiminam paystamouwin (itay li aplikawnt maenkiw kishchinahwaywin) chi-kishkayistakwahk keeshpin mayipayiwin nakinamawkaywin li zord chikee oushtahk.

Awa en parsonn outishkawishkam li zord aykwawnima namou ayaw itay paystamouwin.

Pishishkayista: Awa en parsonn namou chi-kishkayistamouhaw ouschi paystamouwin keema natoutamawin keeshpin pikou li zord oushtaniwan. Awa natoutamaw chikee kakwaychimayw li koor chi-natamoushtawkayhk sa tosal kishkayimouwin ishi ashaynamouwawn sa kishkayimouwin kishkayistamihiwaywin avek kishkayistamouhiwaywin keema awnwayhtamouwin kawschitinamouwin aykwawnima. Li koor chikee kipahem paystamouwin ishi li piblik/lee nouvel achimoushtakaywina.

Apray paystamouwin poor mayipayiwin nakinamawkaywin li zord, payyek ouschi deu kaykwaya chi-ishpayiwawn:

1. Keeshpin awa li zheus namou tawpwayistam aykwawnima li zord chikee oushtaniwan chi-kayschinahow natamoushtawkaywin ouschi pikou tawna en parsonn, li zord namou pakitayischikawtaywa, pi namou kayway ayiwawk ishpaiwawn.

2. Keeshpin awa li zheus tawpwayistam aykwawnima li zord chikee oushtaniwan chi-kayschinahow natamoushtawkayhkion ouschi pikou tawna en parsonn, li zord pakitayischikawtayw. Li zord awpatan shaymawnk pi chikee payyek en mwawn.

3. En parsonn outishkawishkam ishi li zord kishkayistamouhaw; pawshkishikaywina outinimawn

Ishpee mayipayiwin nakinamawkaywin li zord oushtaniwan, awa en parsonn outishkawishkam li zord kishkayistamouhaw. Awa li moond sa pawshkishikaywina, lee feezee pi kootak awpachischikana outinimawn ishkouhk payyek en mwawn. Pawshkishikaywina tou lee deu outinamwawn ouschi li polis keema maekinaniwawn ishi tipayischikayw.

Pishishkayista: Awta li zord awpatanwa, awa en parsonn pakwatem li zord chikee natoutem chi-nakinikawtayik. Chikee meena natoutem nakinamawkaywin li zord chi-outinikawtayik poor pimawchihouwin keema atoushkaywin li rezoon. Awa li zheus kitahamakayw mahti keeshpin chi-nakina keema ch-nakinikawtayik li zord.

Keeshpin mayipayiwin nakinamawkaywin li zord nakinikawtayw keema ishpee pounipayiwawn, li moond sa awpachischikana pi pawshkishikaywina lisawns pakitinikawtayw weeput.

4. Kinwaysh-ikouhk nakinamawkaywin li zord (Li zheus sa itayimouwin)

Awa li zheus chikee disidee chi-ashtaw paystamouwin kaw-itayistakwahk kinwaysh-ikouhk nakinamawkaywin li zord, kiko chikee ishkouhk saenk awn.

Awa li moond sa awpachischikana pi pawshkishikaywina lisawns nakinikawtayw ishkouhk paystamouwin kaw-pounistahk.

Ishpee paystamouwin kaw-pounistahk, payyek ouschi deu kaykwaya chi-ishpayiwawn:

1. **Awa li zheus namou pakitayimow kinwaysh-ikouhk li zord.** Ooma mayipayiwinn nakinamawkaywin li zord aykwawnima nakinkawtayw, pi li moond sa awpachischikana pi pawshkishikaywina lisawns chi-maenkawow weepat; keema
2. **Awa li zheus pakitayimow kinwaysh-ikouhk nakinamawkaywin li zord poor ishkouhk saenk awn.**

Awa li moond sa awpachischikana pi pawshkishikaywina lisawns **namou** maenkawow.

Poor ayiwawk weehstamakaywin ouschi awn dawnzhee lee lway pi oohin natamoushtawkayhk, kawschiniki mouhchi outa li koor. Kishkayista ayiwawk ouschi “awn dawnzhee” lee lway pi tawnsheeshi chikee weechistow chi-nakinihk pawshkishikaywina li shikaan:

<https://www.canada.ca/red-flag-laws> (<https://canada.ca/lois-drapeaux-rouges>).

Ooma kishkayistamihwaywin didawn ooma vif weehstamakaywina aykwawnima pimoustatawn ishi (en Michif).

Ooma noukouhtawin meena ihtakwan daw li computer ishi kootaka li lawngaezh itay <https://www.publicsafety.gc.ca/cnt/rsracs/pblctns/rd-flg-epo-prcs/index-en.aspx> (<https://www.securitepublique.gc.ca/cnt/rsracs/pblctns/rd-flg-epo-prcs/index-fr.aspx>)

(poostashtaw en mwawn pi en awn) Cat. No. PS4-334/5-2025Crg-PDF

ISBN 978-0-660-98393-6